

O Ray, O Virus thaye Corona hassardji

(Romani)

Sas iek data iek Ray by'e coronaco.

O Ray sas tusjno sostar ma nasles e corona conich ci may pingiarelasless thay ci denasles pacyv.

E corona katar o rai cjordala iek jeno asamasko, cjudo, zinorò, ky motolaspesche Virus, ma de kana jordà e corona katar o rai sa akarenasless corona Virus thay vo jalass uwekk thay pyradolass con phescy corona po scero sà parny thay loly kelelaspe, hutelass, jialass ande sa el balame, vi ande kerà tokilass savoren.

Kanagodi tokilass mekelass yek sikmno con e naja, sar yek zini pulvere loly, sar yek sanì pulvere ke ascjell astardì pe bucja, pe kerà, pe manusch, ke palà kodò ke sas tokinde diventinas lolè loko loko thay nasuavonass.

O Virus veselilaspe andar kodo so kerelass thay my boot tokilass thay my boot veselilaspe ky dikelass ky diventill sa lolo sa ò gav ande zera jiess.

O ray ci veselilaspe nissar.

Leske servitori suako jess penenasleske ke kodo zino jungalo ciorr katar e corona parùelass lesko themm nitch numa ando kolore ma vi lengj vesselia:

tegliarenass te avell jek themnthuscjno thay nassualò sostar o virus sasless e corona po scjerò ci may birinass te diken peske rayes sosta ghindinass ke vo daless pescji corona te nassuarelle thay te hojiarelle.

Yek jess o ray, sa my boot hoyariko bock so sass, ghyndosajlò ke sas o zaito te vasdelpé opré thay thelel peske palpale pescji corona ai te asjiavell kodo jungalimoss kay rimolass lesco gav.

Tejiardà te ghyndilpe akardàs peske servitoron te asjiunen lendar tar sile kak ghyndo te decidin so te keren.

Gjindosaile jek intrego jess so tekeren thay sar tekeren ascjiaven o Virus ai telen lestar e corona ma cji jek ghyndo le servitorongo ci piaciajìa e rayes ghelò te sovell buut tuscjndò.

Sar sovelass ay dikelass anda sunò avilaleske yek ghyndo thay convincisardaless: vo korko o ray griscjilaspe andà manusch kay kerel bucji po drom, sar kodalà kay lascjiaren el grape, ande yek cjiarò ingherdà pessa perdo colla kaly ay zsuraly ke sar todasass pe phuuvve astardasass suako manusch thay buucji kay naclasass oprall.

Akadia ghyndosailo o teharin ghelosas masckar ande pesko gav mascjkar pesco themm te rodell e virusos,

te pascjioll leste loko loko ai te manghell lestar yek informazzia, ai te scjiorell colla pe phuvv angla leste akadjia vo avelass angle astardilass pe phuvv yek data kay ascjilò astardò lako zirdell e corona tele pa lesko scjierò.

Veselo Katar pesco ghyndo sigo rano acardà pesko servitoren, manghel te ingreleske odman e ghadà da manusch bucjiako o cjiarò e zipele yek pelleria buucjiaki e manusha le vastenghe o cjiarò e colla e zuraly kaly kaly che trubulass baitsza te uscjaravell e grape. Kana aresle sa e buckja thay e gadà che andalessche lesco servitore griscisajlo but veselo, inclistò avrii katar pesco barò kher te scjial ando gav te rodel o cjiorrò virus. Numa so diclaless de durall ande yek saveo, tegljardà te praste pascjilò leste thay puscjlaless: *“Tu mooree lako avess e zera my angla mande?”*

O virus kana diclaless ghyndosaylo kay siless nevò manusch te tokill ai te nasuarell katar o gav, sa vesselo pascjilò leste misilasleske yek jeno ke kerell bucji suako thay nicth o ray e gavescko.

Ma sar o virus pascjilò pascha o ray che misilasleske de durall yek jenò che kerelass e buucjì sar pascjiolass astardile leske punre pe phuvv zsuraless.

Sar zipilass thay miscolass e vass thay sumavelass e te zirdell peske zipele o ray zirdà tele pa lesko scjierò thay nasjlo!

O virus ascjilò kote astardò pe phuuvve ma nasless corona pe scyerò zipilass thay rovelasssa o themm el gavesco prastaya cotee te diken so kerel o virus e tegliardè te zippin vesely.

Ghele te len striango te pandesle linè tele pa leste e zipele astarde po drom, sa kethane ingherdeless ande themmnizza te asjiaven lesko jorrimoss thay nasalimoss kay logliardà sa le gavess.

O ray boldà ando pesko barò kher, parrudà peske ghadà todapeske po scjierò pescj corona the sicajiolpe angla pesko themm kay boldà lengo ray.

Lascjo thay pacjvalo, sar mayanglal o themm boldà vesselo thay lascjo con o virus pandadò lenas sama pe penghe nassualè be codalescko cjorrò virus pandadò ando panglimoss, o trajo sas may lascjo pok savorenghe.

(Jovanca Hudorovic)